

隨州志卷三十一

藝文上

班史藝文志止載書目卷數自隋書有經籍志後之志  
藝文者始援例並載詩文舊志所載甚屬寥寥茲復搜  
其雅馴可傳者畧加增補使與此邦景物相參考亦國  
風之遺意也

送喬隨州侃

唐沈佺期

結交三十載同遊一萬里情為契濶生心由離別死拜恩  
前後人從宦差池起今爾歸漢東明珠報知己

隨州志

卷三十一

藝文上

一

送邱為往唐州時將寄家於隨州

王維

宛洛有風塵君行多苦辛四愁連漢水百口寄隨人槐色  
陰清晝楊花惹暮春朝端肯相送天子繡衣臣

題隨州紫陽先生壁

李白

神農好長生風俗久已成復聞紫陽客早著丹臺名喘息  
餐妙氣步虛吟真聲道與古仙合心將元化并樓疑出蓬  
海鶴似飛玉京松雪窗外曉池水階下明忽耽笙歌樂頗  
天軒冕情終願惠金液捉攜凌太清

題元丹邱山居

時隱居仙城山

故人棲東山自愛邱壑美青春卧空林白日猶不起松風  
清襟袖石潭洗心耳羨君無紛喧高枕碧霞裏

憶譙郡元參軍

卽元  
丹邱

我向淮南攀桂枝君留洛北愁夢思不忍別還相隨相隨  
迢迢訪仙城三十六曲水迴縈一溪初入千花明萬壑度  
盡松風聲銀鞍金絡倒平地漢東太守來相迎紫陽之真  
人邀我吹玉笙餐霞樓上動仙樂嘈然宛似鸞鳳鳴袖長  
管催欲輕舉漢東太守醉起舞手持錦袍覆我身我醉橫  
眠枕其股當筵意氣凌九霄星離雨散不終朝分飛楚關

隨州志

卷三十一

藝文上

二

山水遙余旣還山尋故巢君亦歸家度渭橋

行營酬呂侍御時尙書問罪襄陽軍次漢東境上侍

御以州鄰寇賊復有水火迫於征稅詩以見論

劉長卿

不敢淮南卧來趨漢將營受辭瞻左鉞扶疾抗前旌并稅  
鶉衣樂壺漿鶴髮迎水歸餘斷岸烽至掩孤城晚日歸千  
騎秋風合五兵孔璋才素健早晚檄書成

登遷仁樓酬子婿李穆

臨風敞麗譙落日聽吹鏡歸路空迴首新章已在腰非才

受官謗無政作人謠儉歲安三戶餘年寄六條春燕生楚  
國古樹過隋朝賴有東牀客池塘免寂寥

聞虞沔州有替將歸上都漢東城寄贈

淮南搖落客心悲涓水悠悠怨別離蚤鴈初辭舊關塞秋  
風先入古城池腰章許國丹心耿露冕臨人白髮垂惆悵  
聞君先我去漢陽者舊憶旌旗

送諸葛覺往隨州讀書

韓愈

鄴侯家多書架插三萬軸一一懸牙籤新若手未觸爲人  
強記覽過眼不再讀偉哉羣聖文磊落載其腹行年餘五

隨州志

卷三十一

藝文上

三

十出守數已六京邑有舊廬不容久食宿臺閣多官員無  
地寄一足我雖官在朝氣勢日局縮屢爲丞相言雖懇不  
見錄送行過澁水東望不轉日今子從之遊學問得其欲  
人海觀魚龍矯翮逐黃鵠勉爲新詩章月寄三四幅

自袁州還京行次安陸先寄隨州周員外

行行指漢東暫喜笑言同雨雪離江上蒹葭出夢中面猶  
含瘴色眼已見華風歲暮難相值酣歌未可終

寄隨州周員外

陸孟邱揚久作塵同時存者更誰人金丹別後知傳得乞

取刀圭救病身

隨州獻李侍御長律二首

姚鵠

彩筆曾專造化權，道尊翻向宦途閑。  
端居有地唯栽藥，靜坐無時不憶山。  
德望舊懸霄漢外，政聲漸溢路歧間。  
眾知聖主搜賢相，朝夕欲徵黃霸還。

再別未甘何處說，但垂雙淚出咸秦。  
風塵匹馬來千里，蓬梗全家望一身。  
舊隱每懷空竟夕，愁眉不展幾經春。  
今朝儻降非常顧，倒屣甯惟有古人。

重過隨州憶故兵部李侍郎恩知因抒長句一首

隨州志

卷三十一

藝文上

四

羅隱

莊周高論伯牙琴，閑夜思量淚滿襟。  
四海共誰言往事，九原從此負初心。  
鷗翻漢浦風波急，雁下瀕溪霧雨深。  
慙愧蒼生還有意，解歌襦袴到於今。

驢驕陂

胡曾

行行西至一荒陂，因笑唐公不識機。  
莫惜驢驕輸令尹，漢東宮闕蚤時歸。

幽濟禪院

全唐詩作豫章西山香城寺，今從大洪山志中錄出。

陳陶

十地巖宮禮三皇，梅檀樓閣半天香。  
祇園樹老梵聲小，雪

嶺花飛燈影長霄漢落泉供月界蓬壺靈鳥侍雲房何年  
七七空人降金錫珠檀滿上方

東陽罹亂後懷王愷使君

時愷敗隨州司戶

僧貫休

昨來祇對漢諸侯勝事銷磨不自由裂地鼓鼙軍缺急連  
天烽火陣雲秋砍毛淬劍雖無數軟血為盟不到頭誰為  
今朝奉明主使君司戶在隨州

留守相公移鎮漢東

宋歐陽修

周郊徹楚垆舊相擁新旌路昔青山在入今白首行問農  
穿稻野候節見梅英腰組人稀識偏應邸吏驚

隨州志

卷三十一

藝文上

五

使者自隨州來知尹師魯寓止僧舍語其處物景甚

詳因作詩以寄焉

梅堯臣

驛使話漢東故人遷謫處所居雖非居有樹即嘉樹日膳  
或雞豚時蔬多笋芋夜堂蛇結蟠晝戶鵲噪聚著書今未  
成愛靜已得趣予欲訪其人炎蒸未能去

挽邢敦夫

台壁事類作蘇軾詩

黃庭堅

詩到隨州更老成江山為助筆縱橫眼看白璧埋黃壤何  
况人間父子情

登漢東樓

沈括

野草黏天雨未休  
客心自冷不關秋  
塞西便是猿啼處  
滿目傷心海上樓

光化道中遇雨

望遠初翻葉隨風  
已結陰雨逢宜倦  
枕鄉夢入寒衾莎  
笠侵湓俗溪山動  
越吟烟波千里去  
誰識魏牟心

送客

邢居實

春仲賦南征歲暮  
卽北走歧路劇羊  
腸重岡九十九馬  
瘦須著鞭袖短難  
藏手與君從此別  
把袂倚衰柳

湓陰亭

張商英

隨州志

卷三十一

藝文上

六

駕言晨出湓臺隅  
湓水登臨酒拍壺  
不似峴山羊叔子  
心隨漢水欲吞吳

湓水

陳洙

湓湓雙水繞城隅  
高誼曾聞季大夫  
九十九圖風俗厚  
人况已握靈珠

無菴贊

孟珙

老拙愛遊戲忙裏  
放癡憨正當任麼  
時無處見無菴混  
沌菴之基太樸菴之  
梁太始菴之柱太極  
菴之房四象菴之  
壁八卦菴之窗白雲  
菴之頂清風菴之牆  
誰人運斤斧大

匠曰羲皇明月爲伴侶萬古其如常欲知吾富貴秋水共  
天長水雲不到處一片玉壺光

又頌

有生必有滅無菴無可說踢倒玉崑崙夜半紅日出

書感

邊居誼

鐵石肝腸死未休孤城高倚漢江秋三千血戰皆忠義不  
效襄陽事敵仇

寄洪山純禪師

釋真淨

喝轉虬龍後名山護有神道場千古舊法席幾翻新廢去

隨州志

卷三十一 藝文上

七

何由物興來故在人况師先達者不與眾同塵

入隨州

元劉秉忠

旌旗裊裊入隨州江漲祥烟散復收千里故鄉千里夢一  
聲殘角一聲愁月明湏水魚龍夜霜滿乾坤鴻雁秋黃耳  
不來家信遠西風腸斷白雲樓

大洪山仙人洞

明舉人陳壽州人

今古名山在高低絕徑懸我來成獨語仙去幾多年幻相  
非緣石靈根縱自天暗窺飛閣上或有玉函篇

崇甯萬壽寺

進士胡濬江蘇人

每從絕境訪神仙及至山中更杳然龍去故湫歸海外雲  
過別嶺到門前佛面香動空遺蛻祖地灰飛換法筵爲詔  
律宗諸學子十方仍是四禪天

太平山

進士原 傑 江蘇人

路入淮南郡相連楚塞長烟嵐青不斷林壑黯深藏孤嶺  
分桐柏長源達呂梁自來屏障地今已撤邊防

栲栳寺

知州 李充嗣 四川人

神斧劈山原何年千尋落澗聲潺潺雞犬不聞天地別松  
陰十里無人烟岷嶓捲翠清如洗香拂闌干曙光裏天風  
隨州志 卷三十一 藝文上 八

遊洪山 三首

一雨清涼萬物新省耕隨地踏芳春明時愧我叨民牧尙  
有饑寒灑淚人

路入羊腸面面山萬尋蒼翠水雲間勞形老大渾無補逢  
着幽人也厚顏

爲愛名山村策來從行冠蓋野人猜衲衣伴我尋芳處漫  
寫新詩掃石苔

夏日登白雲樓

浪迹湖湘幾度秋百年忠孝是身謀  
葵心老更傾斜日閒倚雲端獨上樓

自厲山舖入棗陽道中一首

張瓚

大火西流暑氣微蟬聲到處似相隨  
重岡地脈分歧路晚稻田疇賴古陂  
白水曾聞光武宅青山未訪蔡倫池  
夕陽欲歛荒村暮忽憶浩然投館詩

下澁戍

馬翕

三才各奠位惟一期有定殷夏遡太古  
曾有三裂柄黍離隨州志  
卷三十一 藝文上  
九  
降國風春秋筆王政鼎立而瓜分斯世  
何由靖治亂理有之今昔關生命躊躇  
下澁戍使我涕泗迸

大洪山

南都謁大狐天封與之俱俗老相傳指  
云是巘之區別有大狐山嵬然西南隅  
詎應昔賢賦舍大顧小圖僧人類麤拙  
唐宋溺浮屠取此加諸彼誤狐以爲湖  
世道相舛訛甯獨茲已乎

尹公亭

尹公天下士獲譴爲憐才官謫心自泰  
名與亭相嵬用世

才不究身命一朝摧從來賢達士偃蹇良可哀挈之問蒼  
天蒼天竟悠哉

仙城山歌

進士宗 彝州人

昔有仙人李太白迢迢來訪仙城客銀鞍金絡渡花溪幾  
樹藤花冒輕幘雪渚雲潭六六灣嵐光面面迎人碧馬上  
詩成只獨吟磊落新篇瑩明月山中仙客紫陽翁坐老烟  
霞漢水東苦竹深林面城住時來絕嶺披松風此時相見  
心莫逆共躡飛雲叩青壁壁間杉影護雙扉谷口泉流漱  
奇石倚石聽泉響玉笙洞中仙樂動泠泠隋家帝女今猶

隨州志

卷二十一

藝文上

十

在鳳舞鸞歌拍未停雲扉碧啟陰巖際巖前灼灼明輝麗  
路入墉宮曲徑深隔泉聞講參同契紛紛妙解多奇情元  
言從此傳人世出得山中身已仙烟光冪冪門常閉人去  
山空七百秋山花山鳥轉成愁雲罩峯頭日欲落白牛池  
畔草如油我來空識山容好獨上峯巔一長嘯紫府真人  
不可尋一生拚向山中老

六月過唐縣鎮

黃鞏 雲南人

滾滾紅塵裏憑誰賦遠遊垂楊低拂馬深竹暗藏鳩春事  
將無及瘡痕尙未瘳勞歌應更苦回首漢東樓

遊大洪山

進士李中州人

路向洪山秋思新肩輿囊括四時春由來洞洞無疆界一  
笑東西南北人

奇峯招我向秋來鹿豕相親了不猜但怪屐痕留石徑又  
教微雨補蒼苔

太虛動靜聽鐘聲今古人間幾醉醒腳板天區渾自在無  
邊風月載山行

登山誰會了高低天地大輪疾駿蹄試與叔平話端的人  
間順動是丹梯

隨州志

卷三十一

藝文上

七

笠下光陰不見苔山中行樂問如來天機流轉原無二秋  
到東籬菊自開

踏破白雲山外山石橋流水又人間田家酒熟能招飲未  
動催科有好顏

大洪山

進士顧璘江蘇人

慈忍禪師不可逢祇林高擁萬山重崑崙別現西方景窳  
堵曾經古大封人履飛雲頻度嶺石棲靈洞欲爲龍白頭  
未盡林泉興又寄空門半日蹤

百轉飛輿到上蒼雲邊猶敞古禪房羣公相顧盡褫魄四

海一窺難辨方半壁鳴泉傾古礪經年殘雪凍陰岡平生  
悔被塵冠誤負卻乾坤幾道場

從顧宗丞遊大洪山因病不果步元韻

進士 朱 箴 州人

自古名山不偶逢春遊相約意重重病魔牢挽登臨腳響  
肆頻催藥餌封空使僕夫時秣馬徒聞禪法解降龍山林  
不吝天邊景俗客元非物外蹤

只恐高聲驚上蒼遊筇遠自隔禪房人前未暇談遊興枕  
上惟應問藥方寂寞羈懷依野店微茫列騎度層岡當年

隨州志

卷三十一

藝文上

三

誤入青雲路失卻丹霞選佛場

遊大洪山

進士 李維楨 京山人

步躡隨陽第一山大開眼孔小塵寰幾家烟火睥睨下萬  
里乾坤指顧間荆郢卧雲山勢亂漢湏拖練水光環此身  
恍在青霄上不羨咸都百二關

白龍池道中

幾聲梵笛響青岑驚起神龍水底吟坐久日斜催去馬白  
雲漠漠柳陰陰

登大洪山

進士 王 格 京山人

大洪層嶂鬱岹嶢白日花宮響洞簫鳥道西連嵩少迥龍  
池南注漢江遙雲中鐘鼓聞三楚樹杪樓臺傍九霄譚罷  
上乘眠石榻春風一夜玉生苗

青冥削出幾芙蓉萬里晴烟一望中二鼎平扶千歲側三  
峯仰見四天空虎溪芳草侵藜杖龍洞閒雲鎖梵宮欲傍  
老僧開斗室餘生長此挹慈風

金剛坡望大洪山寺

王 鉞 永嘉人

捫蘿攀石扣禪關五月陰寒雪滿山遙聽雲端簫鼓沸始  
知天上有人間

隨州志

卷三十一

藝文上

三

謁靈濟殿

十年謝病淹三楚五月披雲訪大洪躡磴牽蘿窺極頂恍  
疑身在碧霄中

龍鬬巖

芙蓉削出三千尺直插飛流萬丈中昨馭風雲聊一望呼  
嶸頭角似騰空

望大洪山

進士 顏 木 州人

合沓茲山盤百里門庭日日挹峻嶒昔賢曾此傳三昧老  
我平生闕一登風火輪中餘勝槩薜蘿深處看閒僧絕頂

應有高人占何日還來一講燈

過洪山寺

王月

兩載羈隨郡勞勞笑此身禪宗遺蹟古幽興入山新猿慧  
能參佛龍馴不避人山頭頻悵望下界日風塵

送史隨州

進士湯顯祖江西人

同年年少卽推君才地分麾迥逸羣列郡鎮珠連大澤高  
齋倚蓋動浮雲江邊歲月虛流賞漢上風光好寄聞獨有  
元湖秋色苦擘蓮時候與君分

奉檄勘礦盜途次隨州出山店

進士何棟如江蘇人

隨州志

卷三十一 藝文上

高

世路多艱阻前山正鬱盤採丸成內寇仗節出中官側目  
狐狸過傷心草木殘何徒任刀筆長負進賢冠

從趙中丞登大洪山絕頂

進士鄧林喬四川人

山景全憑煙霧增看山霧裏許誰曾人間密滴兜羅雨鳥  
道重穿薜荔藤隱隱疎峯迷近遠陰陰古木隔峻嶒微茫  
恍入華胥界挾我蓬萊最上層

曲徑岩堯古寺巔雨隨車馬落洪川象懸孤嶼千山外影  
插浮雲二岳前地擁龍潭開郢甸鼎留鳥篆記唐年登臨  
欲坐挑燈隱檢束酬知尙惘然

遊靈濟巖

知州 祝以函 浙江人

自余領茲土歲忽再更籥山靈識余晚相見兩錯愕未入  
矚已澄暫憩神益矍怒石排虛空驚枝互纏絡森蒼來撲  
肩流翠欲黏屨獮引探層扉混沌何年鑿陰風萬竅呼返  
照漏螢爝舫勝擬延搜怖奇旋中卻至人七日定定後竟  
何著石牀屯古雲靈液垂酥酪與彼一勺多療此千頃涸  
惻悵遵歸途鳥去煙漠漠

遊大洪山宿藏經閣

知州 戴九偕

驅車覽勝午風清更喜泉飛瀑布聲靈礪鬪龍歸玉鉢疎

隨州志

卷三十一

藝文上

十五

林啼鳥和金笙雲翻貝葉千峯霽露潤曇花四字馨高閣  
一登霄漢近夜來呵氣貫台星

遊大洪山初發郊外

進士 何宗彥 州人

車馬凌朝發芙蓉人望青微風連日澹野菊帶秋馨爽氣  
輿前落塵心物外醒何時解簪綬長此對林垌

自均川寺抵宿佛嶺

蕭瑟滿均川臨風意惘然驅車當絕嶠遠野見孤煙谷靜  
流泉響林空落日懸相攜投淨土清夜一燈傳

洪山道中

秋高氣爽擁輿行  
轟轟峯巒隱化城  
環抱千山青藹合  
劃開一線法雲明  
笙簧遶路含風遠  
蘿薜橫岡帶露清  
愧我塵蹤棲上界  
暫拚身世學無生

登洪山

秋雨連綿到上頭  
風雲漠漠望中收  
雲閒指顧空三楚  
海岱微茫接十洲  
憶昔雙龍開大壑  
何年三釜落高邱  
應知此日登臨後  
千載誰人說壯遊

夜光池

進士 李槃 浙江人

隨國已成古隨珠  
名尙留城隅一泓水  
至今酒清秋何地

隨州志

卷三十一 藝文上

六

不生寶識別難其  
儔憶方吐幽室閃閃驚  
雙眸俗子長按劍  
睥視不敢收及登廟堂  
日萬鎰不易求懸照  
可十乘府珍鮮能伴  
不惟珠爲爾人事亦  
相猶下客久懷寶未  
逢善價酬何堪自銜  
鬻人匣輝彌悠

夜光池

梁延年

一息微生轉瞬中  
敢將再造籲蒼穹  
亦知斗水施非易  
誰念靈臺惠不窮  
徑寸明珠初吐月  
半圭良藥早乘風  
瀕危物命真堪惜  
滿眼殘黎患正同

隨州徐中明使君殉難詩

國朝 熊伯龍 漢陽人

余未得交中明使君會其子質可晤余漢上痛哭  
乞言感而賦此質可亦越之名士也

坐歎天下事賞罰何足倚我聞城屢陷不聞官守死身死  
國已辱聊復存大恥惟我中明公一門殉軍壘隨州舊戰  
場殘垣周二里賊騎東西馳倦或一棲止安危委州官羽  
檄若充耳視事在庚辰慘澹營荒鄙雉高家產竭典衣買  
弓矢新丁怯且驕給食如畜豕鄰邦尙醉夢微臣胡敢爾  
今古實心人規模亦止此時勢困英雄賊謀何太詭百城  
非所慕甯殺能刺史大道無成敗州亡勞可紀頸血酬民

隨州志

卷三十一

藝文上

七

社君子安厥理

表節婦梁孺人

洪吉臣作和

雄文五采炳長離何事殷殷惜蹇騎一葉春帆飛夢澤幾  
年明月並勞思君傳韋母籠紗業我頌共姜汎柏詩自是  
天心隆節孝竝看他日起宏詞

夜夢前判官銅陵余公爲本州城隍神醒而賦此

副榜 陳奇抱州人

一日之官便死忠至今耿耿氣如虹生從嶽瀆精靈降死  
作城隍保障功魂魄尙於斯邑戀神明幸許昨宵通祠宮

蕭颯雲旂下河殿分明夢寤中

題醉陶軒

知州 王毓恂

暮雨臨溪屋秋風對酒篇斯人多靜意閉戶幾何年

秀野亭

葉舞平橋晚蟲吟水閣秋沈寥雲影淡此地足清幽

長慶寺

廩生 梁 木 州人

長祖今何在清風滿寺門一簾禪壁冷大界法乘尊曹洞  
千僧集湏陰七井存鉢蓮開面面橫出一枝翻

子房廟

隨州志

卷三十一

藝文上

六

霸業千年盡風雲尙爾祠山河留氣色冠劍表鬚眉心事  
終黃石功名共紫芝東園有遺老長此挹風期

絕句八首

山寺宵寒梵唄清又從隔嶺度鐘聲勞勞塵夢誰先覺了

徹天心在五更

長慶  
晨鐘

山光黯淡水光浮清絕湏溪古渡頭明月鷺鷥荷葉浦香

風和露入扁舟

湏浦  
夜泊

香城高閣傍山開不盡嵐光帶雨來望到隔林深影處一

聲牧笛破烟回

東閣  
晚眺

石磴縈紆路幾重層巒盡日白雲封幽人斲藥時來往惹

得侵衣一片濃西崖宿雲

雲鎖羣巒半吐吞蒼茫樹色暗孤村天然一幀王維畫烟

雨迷離漲墨痕南岡烟雨

高臺屏列梵王宮皓魄光凝一望同陡覺夜來風露冷已

知身到碧霄中北臺秋月

千峯聳峙白雲隈積雪經春未肯開知是靈山留淨域不

教一點着塵埃洪山積雪

獨向溪頭占釣磯秋風時羨得魚肥不曾換酒來城市恐

隨州志 卷三十一 藝文上 九

踏紅塵惹是非澆水觀魚

謁神農洞 貢生 朱安世 江陵人

聖啟炎皇氏靈鍾濔水涯寒墟存井社石室滿烟霞考信

穹碑斷徵奇舊史誇始開民業厚今見土風嘉橫野耕桑

譜深山巢燧家但傳神首出莫紀洞年華粒食功猶在時

巡跡已遐遺封遷賴邑典祀入長沙世遠人忘報祠荒禮

未加愧予方訓俗望古一咨嗟

黑龍池禱雨 知州 劉 霏 直隸人

洪山懸崖削如壁下俯澄潭一千尺中有異物藏幽陰角

爪森然潭底螿有時晝起雲冥冥草木疾偃海風腥蜿蜒  
波際出復沒忽作霹靂飛郊坰此時山田正秋旱黃昏雷  
雨陂塘滿村氓曉走山之巔叩謝佛前情款款昔聞刺史  
行田原霖霖膏雨隨車轅一從德薄不能致至今濟物歸  
沙門

神農洞天

神農生去幾千年食德於今處處然丹竈何曾留古洞耕  
耘猶自慶長天可知杳渺原非帝始信鴻功卽是仙寄語  
烟霞三島客好從實地悟人先

隨州志

卷三十一

藝文上

三

舜子古井

虞帝遺踪不可尋祇餘殘井氣陰陰澄泓百尺思親淚磨  
礪千年大孝心荒草淒淒疑虎嘯清潭隱隱擬龍吟當年  
二女情真處血染長欄溼滿襟

東閣朝陽

進士顏木  
州人

扶桑推上火輪明萬景天開照赤城曙氣暗浮仙掌動海  
光寒浸玉壺清朝生暘谷雞先唱秋盡高岡鳳未鳴長羨  
盧仝濃睡覺仙風兩腋到達瀛

洪山返照

朱簾斜捲看洪山山色空青返照間  
遠浦帆歸雙鳥過孤峯僧定片雲還  
自憐短景催人老卻愛長年伴我閒  
誰似葛中陶靖節歲寒三徑且盤桓

白雲層樓

千尺飛蕤碧漢回五雲神氣小蓬萊  
東橫溟渤扶桑折西出峨眉鳥道開  
黃鶴仙人天上去錦袍公子日邊來  
一拳搥碎闌干月爛醉東風酒滿杯

紫石長橋

屈曲懸梯截水灣紅塵絕處見仙山  
龍光直射銀河表虹

隨州志

卷三十一

藝文上

三

影遙橫玉峽間平陸西來通坦道  
大江東去駕狂瀾無人渡海求仙藥  
我欲從之借羽翰

浮纓春漲

公子侯封車乘強紫騮快意弄波光  
五花過雨懸脂溼千騎遊春錦障香  
白晝微茫煙霧合清霄縹緲水雲長  
那知龍化天池去愁殺鴛鴦空自傷

澁水漁歸

花塢橋陰繫釣船滄波送盡夕陽天  
三春錦浪搖篷底八月銀潢落枕邊  
白石放歌宜作伴紫鱗斫鱠不論錢  
人間

是處風波惡獨愛山深復有年

忠愛堂

學正張之杜 黃岡人

春風薰陌路花影繞公庭  
詛祝皆成譜農桑自有經  
早衙官事畢樂歲眾心甯  
不學淮南卧勞勞尙戴星

漢東過友人山莊

舉人王岱 湖南人

苦雨度山岡雲深山路藏  
蹇疲泥没脊擔重溼添裝  
投足難爲主分餐卻有莊  
夜闌燒燭語逆旅遂相忘  
真率山中意茅堂竹樹橫  
好花隨地發野鳥向人鳴  
蔬剪春前韭甌香穀雨櫻  
檢書拋枕後簷溜細泉生

隨州志

卷三十一

藝文上

三

雙泉寺訪雲外和尚

棒喝師承已九年此來親得見  
雙泉庭前柏樹千枝翠殿  
角峯巒萬疊烟楫柵火邊鐺  
折腳藤蘿單畔衲無綿燒松  
夜半都忘倦澗水穿厨落屋椽

羅什寺

錐立高崖俯萬峯嗟峨宮殿半雲封  
僧依蒼翠忘來路鳥  
人烟嵐覓去蹤逼近諸天聞梵語  
驚回下界聽霜鐘重來  
落石從誰問 白注落石卽羅什因靈濟祖師登山落石得名  
記取前林西向松

栲栳寺

蘭若上青冥燈傳濟祖庭到門藤倚樹入耳塔吹鈴鳥道  
孤誰上江流迅不停欲知三棒意天外數峯青

武石菴見過且園

蓬蒿一徑盡成荒謾擬成都舊草堂駐節恰逢嚴僕射解  
魚重見賀知章風前簷欵珠璣滿庭畔經過草木香爲愛  
論詩到幽細推敲禮數許相忘

過陳華頂徵君墓

驅車不復避羊腸下拜佳城愈感傷挂劍人來空破涕知  
音琴廢日望洋梅花香繞孤山角柳色青垂栗里旁自是

隨州志

卷二十一

藝文上

三

高風難繼起雲山江水兩蒼蒼

栲栳寺

釋雲外

岩巖一道通霄漢倚杖頻看日並肩紅白山花熏佛座高  
低樹鳥話人前跌龕禪叟神猶在圖碣樓臺腐未全幾度  
換新成我輩今來何事恨無緣

長慶寺

貢生 靳天顏 州人

劫後尋遺刹蕭條半陸沈惟餘黃蘗寺長闕白雲岑風雨  
消兵氣香花續梵音舊題猶可讀拂拭古牆陰

宿均川

短策穿林去蕭然陟野坳人家除虎落村市讀牛經地遠  
貧堪樂時清夢亦甯塵氛應不到澗水自泠泠

舜子井

貢生何泰崇州人

往事如今考信難淒涼遺井勺波寒秋風古巷人非舊衰  
草荒岡跡易殘碑在千年珍漢隸文成五品醜秦官何妨  
別換名稱好常作勤劬使浚看

興泉寺

貢生陳占祥州人

坐看遙山瀉玉淙飛泉天半漱芙蓉瀑聲乍醒遊人耳雲  
影常依度世蹤月芒溪流寒自潔竹穿巖罅遠逾濃不須

隨州志

卷三十一

藝文上

詩

淨掃塵埃地但聽南能得得春

訪梁錫伯錫仲兄弟山居

爲訪梁鴻室因成郭外遊入山需短策繞澗覓孤舟但見  
雲來往何知人去留松聲與梵磬一派入溪流

登大洪山

貢生何操敬州人

朝發黑林溝暮登慈忍寺絕巘慎躋攀躑躅遑他視歛足  
向僧寮欲語心猶悸簫籟發空巖脚囂不能寐悠然動景  
鐘徘徊下庭陞四顧霧沉昏乾坤始一氣俄看旭日升漸  
覺烟光墜植杖最高峯千山滿空翠安隨應郢復點點皆

可覲俯瞰雙龍池波瀾永不價出漑萬頃田脈脈通溝澮  
尤重濟物功豈徒山水異曠覽意有餘斜日倚崖際天風  
吹衣襟白雲在肩臂下山徑轉幽猿鳥屢驚避疎燈逗林  
表疑是舊遊地山村無俗情雞黍爲我置呼兒出素幅援  
筆略成記十年縈寤思今日始一慰

神農洞

舉人 梁中極 州人

斷碣塵封莫問年懸崖重壑自悠然川原歷落皆靈氣雲  
物蒼茫只洞天應是明農纔足帝何緣絕粒更稱仙長沙  
南畔秋光遠誰復臨風弔古先

隨州志

卷三十一

藝文上

三

雨中過白雲寺聽講經

揚貢 李振藻 州人

靜看天花墜拈之誰得同雲蒸松影裏法說雨聲中自洗  
經行鉢還參過去鐘殷勤留半偈欲解已成空

大洪山

貢生 周之伸 州人

百里連山勢鬱蟠直從荆郢聳奇觀雲封古洞千年夜雪  
積陰巖六月寒當日洪波翻絕頂而今花雨著層巒靈蹤  
屢顯傳唐宋突兀豐碑字未殘

靈濟巖

貢生 高拱極 州人

勝地偏宜勝友催杖筇載酒問松來擬同眾妙窺虛牝怕

有塵心入鏡臺草木似從今日定烟霞豈爲昔人開縱談  
千古興亡事漢武秦皇未易才

嵩山寺

韋藏用

一徑轉蒼涼秋深古寺旁遠山橫塔影虛閣納溪光木落  
孤村見烟寒釣艇藏悠然川上意自送逝波長

遊靈濟巖

舉人 郝玖 雲夢人

古洞深藏境地幽當年面壁紀真修枯藤掛樹疑懸錫怪  
石迎人似點頭好景未厭客際眼寒風偏動故園愁登臨  
無限徘徊意裊裊蒼烟日暮浮

隨州志

卷三十一

藝文上

三

遊大洪山

舉人 董旦 安陸人

湖山更變幾千年緣到初開第一天楚北眾山支派遠漢  
東諸國版圖全佛兒嶺上芝爲草仙女洞中石可田獨有  
善師今不見縈迴邱壑自雲烟

同鄭孝廉芝田遊靈濟巖

歲貢 高鈞 州人

地隱先禪跡人從物外遊小橋通仄徑絕壑噴清流巖險  
重門闢雲深斷碣留蒼茫同一望紅葉四山秋

洪山

進士 儲嘉珩 州人

洪山高無極屹然據三楚白雲天際飛健鶴亦輕舉我欲

登其巔道路修且阻年年蒼翠中幽人渺何許

大浪山

大浪雄且高奇峯自今古眾山若餘波氣象作吞吐苟無蛇龍藏何以興雲雨我欲泛舟行蕩漾自來去

胎簪山

淮水出胎簪更在桐柏北禹貢舉其大小山難備述極頂響石泉晝夜飛空出古屬平氏地近隸漢東國我曾騎馬過川原望無極傳聞采風使考古來登陟

七尖峯

隨州志

卷三十一

藝文上

七

巨靈不可測其中有造化尖峯插天空象緯翻在下北臨太和峯西南衡與華五嶽名固尊此山乃其亞

厲山

庖犧生於陳神農誕於楚巍巍厲山高近在賜水浦懸巖藏石洞異草紛難數下與九井通噴泉若飛雨是鄉帝所生流傳自上古爰繼庖犧作其利生民普耒耨教天下醫藥慰疾苦交易各得所聚寶通海宇有功則祀之祭法天所許至今神農廟年年賽村鼓

舜井碑

天生忠孝人兩地民爭之虞帝古大聖安得無異詞歷山  
十一見其一在吾隨豈真舜所耕確有舜井碑相傳五大  
夫殘缺尙可追我登漢東閣欲將蔓草披原是秦漢物近  
閱宋明時欲尋無處覓其他更可知好德蒸民心傳信不  
傳疑不見舜子巷長吟斷碑詩

斷蛇邱

微物無長殺如生天地德不見靈蛇珠來獻隨侯側懸室  
生夜光照耀古大國可知報施速祇此寸心惻一舉歸滄  
溟塵網那能得

隨州志

卷三十一

藝文上

三

肅爽馬

自古稱名馬肅爽追風疾下視凡馬羣可空一萬匹成公  
乘如楚子常愛駿逸留止淹三年安危不可必唐人竊之  
獻始得歸途出長鳴感主恩民社當保恤令尹不足言賢  
侯莫愛物

漢東懷古八首

重巖複壑神農洞捫石攀蘿尙可尋萬古山川留帝跡三  
春草木見天心荒壇祠宇流風在古宅村墟落日陰傳說  
泉源通九井當年夜夜有龍吟神農洞

曾到歷山帝舜祠果然木槿盡垂枝但沿舊說難憑也兼

採前聞實有之三字秦書智井在諸馮楚地藝林知縱云

嬌水非湏水夏五郭公是我師舜井

漫道光芒上斗牛池中舊有夜珠遊自來神物多逢患獲

遇仁人總不憂莽蕩山城圍大國空濛雲水擁高樓酬恩

勝跡流傳遠長對西風憶故侯夜光池

山傍清涼石作城扶恭河水最澄清纖鱗躍出潭千丈鈞

艇歸來月一泓叱賊天神威咫尺還軍令尹許行成里居

長有樓臺在燈火年年誦讀聲澆水

隨州志 卷三十一 藝文上 元

名山佳氣鬱重重橫亘西南壓萬峯襟漢帶湏蟠伯國興

雲出雨鎮侯封兩京遺石傳黃鵠絕頂靈泉浸白龍長愛

大陽留晚照霞光蒸徧萬株松洪山

聖廟巍峩復故宮鳳凰臺上日曠矇花磚漸度三竿紫奎

閣平分一朵紅北斗文章唐吏部東京柱石漢司空鄰賢

堂接城南路遙想韶光自昔同朝陽閣

萬壑千巖雨乍晴兩河春漲挹浮纓遙瞻馬首紅垂水近

泛鴨頭綠向城細草長堤遊屐滿斜陽古渡釣船橫歸來

有客思之子人比蓬壺一樣清浮纓河

縑岸浮龜石骨嬌桃花流水送迢迢恍遊灞上行冲雪欲  
到天台坐聽潮一路泉聲來上古半空虹影落崇朝行人  
誰獻相如賦駟馬高車過此橋紫石橋

### 登雲臺觀

立馬雲臺觀西南第一峯大江飛白練高嶺落長虹厯劫  
園亭古承平壁壘空巍然關廟在俎豆萬方同

門人裴生述遊娥皇洞歌以紀之庠生王蘭安陸人

裴生婦家天橋旁洞天曾得遊娥皇先生山水有奇癖課  
餘忽爲言其詳初行涉碧澗緣崖入蒼茫洞門開石扇豁

隨州志

卷三十一

藝文上

三

達成修廊燃火捫梁過靈境尤開張旁洞大於屋小者小  
於箱芙蓉萬朵撒空際白石一柱撐中央不知何年種玉  
粒遺此石田石廩石禾場空中打麥事誰覺今事果見仙  
人糧志堅不爲幽奧阻深入又見菩提坊莊嚴法相垂寶  
絡端拱默坐蓮花牀蝙蝠飛飛導前路日色髣髴來扶桑  
一物如牛大如象掉尾未見頭低昂瞥然迴步出洞口明  
月皎皎輝衣裳瀟湘帝子渺何處至今回憶空彷彿我聞  
生言恍有悟一間未達達乃臧虞帝精靈在天地帝后應  
與同翱翔精一欲究執中旨我將深造登其堂出山偶逢

時人問好說湘靈在帝旁

鐵釜歌

舉人王旒  
安陸人

誰將一片鐵鑄作三大釜徑可七尺高減一中空實容二百斗厚寸半分八耳環鐵色上映光芒寒周遭摩娑無欸識不知何用徒蹒跚或云慈忍昔日開初地佛力通神作游戲朝煮青精浮雲敲暮烹白石春雷沸元氣潛爍地鑪紅鬼工默扇自生風汨以德水入垢除薪以梅檀五濁空雲堂擊板千僧集日日伊蒲於此給一瓶一鉢足生涯寶鼎玉巖神於邑何年卻離香積厨棄擲榛莽卧山隅風風隨州志

卷三十一

藝文上

三

雨雨質模糊夜深疑有神靈扶釜乎釜乎起我溝中臞  
庇蔭嘉穀長敷腴

洪山道中

進士羅世材  
州人

大洪天半落空翠溼衣襟徑入簷管谷溪迴楓樹林白雲  
停野色黃葉抱秋心慈忍宗風在道場何處尋

九日過了角嶺憩蓋雲寺

過澗攀林石磴長振衣千仞此高岡羣峯擁地爭雄長一  
徑盤空入渺茫慘淡白雲將欲雨參差紅葉乍經霜登臨  
恰值龍山會好薦花糕作道場

過夜光池寺僧留飲乞詩

竹外紅泉遶逕長，名僧合住贊公房。  
畧通畫意詩逾妙，能讀儒書釋不妨。  
經卷琴牀無俗物，豆羹麥飯有餘香。  
維摩丈室從師乞，底用天花作道場。

友人約讀書寺中

九日智門寺登高十年前曾有此遊

紅牆碧巘記曾來，欄倚高空望眼開。  
落日晴沙分島嶼，春城夜火見樓臺。  
十年感慨成前夢，九日登臨復此杯。  
叢桂長成僧半老，醉披風帽首重迴。

十方菴卽景

隨州志

卷三十一

藝文上

三

半千錢買半椽居，岸柳千株水一渠。  
竹雨欲來山閣潤，松風微動小窗虛。  
故山無恙春來早，旅榻空懸客到疎。  
惟有聯牀兄弟好，夜深燈火共繙書。

望大洪山東郝洪北羅公理

庠生

馮

瑄

雲夢人

高松礫砢水灣環，中有詩人事往還。  
最是長岡郵店好，家家門外見洪山。

秋日憩靈峯寺

舉人

呂庭樹

應城人

第一奇峯百尺樓，振衣直上豁雙眸。  
荆山當戶排紅樹，漢水接天湧碧流。  
夾寺雨池飛澗雨，巢松獨鶴警清秋。  
半生

浪跡仍歸楚得效莊生汗漫遊

別隨州紳民

四首

知州金雲門

安徽人

雪泥留爪已三年唱到驪歌倍黯然  
自分陽城甘下考敢爭祖述着先鞭  
攀轅足驗民情厚推轂欣逢長吏賢  
慚愧循良膺特詔微名傳到五雲邊

萬家共唱勸民詞訟牘從今少亦宜  
寶善經猶傳楚語同仇俗解咏秦詩  
難忘屈突葱三斗漫誦漁陽麥兩歧  
分得廉泉胥吏共清官原不畏人知

釜魚聽唱范萊蕪笑指今吾卽故吾  
曾與洪濤爭赤子故

隨州志

卷三十一

藝文上

三

無好夢戀明珠牛刀那敢矜焉用鼠獄終防誤  
莫須尙憶白雲亭上宴官閑重九懶催租

路轉襄南局又新琴書長載一船貧官堦畧進仍循例  
騎從無多恐累民折柳怕澆臨餞酒栽花猶戀隔年春  
夜光池畔重回首半爲蒼生半故人

題貞女徐蕭氏

知州竇欲峻

雲南人

惟貞失所天悲天涕湧泉人間成夢幻  
地下待團圓志比冰霜潔心同鐵石堅  
他年修邑乘徐子與俱傳

輓扎將軍戰隨陣亡

庠生杜文炳

州人

霹靂轟天天欲醺漢東滿地捲紅雲鐵騎萬隊蹴不破忽  
然天上下將軍將軍本是從龍裔兩載關中膺重寄猿臂  
曾依日月光虎頭早帶風雲氣慨自長髮三覆楚楚人畏  
賊如畏虎將軍奉詔自西來誓掃賊氛憑一鼓四月十五  
賊來攻一戰再戰炮雨衝立竿只待誅劉關拜井何期困  
耿恭三日三夜賊不走一矢橫貫將軍口以帛拭血帛盡  
紅猶發神鎗斃賊首振臂一呼戰士起國亂君恩無退理  
營門傳箭月三更無奈將軍創深矣一慟騎箕竟上天臣  
力已竭臣節全氣作珠臺光百丈魂歸鐵嶺路三千吁嗟  
桓桓札將軍援筆愧煞書生我

隨州志

卷三十一

藝文上

詩

乎男兒生不麟閣圖死當馬革裏區區成敗論何左請看